

萬有文庫

第二集七百種

王雲五主編

物理小識

(上)

方以智錄

商務印書館發行

物 理 小 識

(上)

方 以 智 錄

國 學 基 本 叢 書

物 理 小 識

(下)

方 以 智 錄

國 學 基 本 叢 書

萬有文庫

第二集七百七種

總編輯者

王雲五

商務印書館發行

王雲五主編
萬有文庫
第二集七百種

物理小識
二冊

中華民國二十六年三月初版

錄者方以智

發行人王雲五
上海河南路

印刷所商務印書館
上海河南路

發行所商務印書館
上海及各埠

(本書校對者 龍旭光 朱廣福 潘)

◆ 五七五九

翁

序

每歎牝馬之貞。豚魚之信。繫辭觸類。何若是其精。涿壺象榆。蠅氏牡獮之類。周禮載職。何若是其悉。歟。月令分候。治曆定律。蘭臺性命。手握天地。古聖人體道而備物致用。巨細一致者也。伏羲合俯仰遠近而通神明。類萬物。舜好問而好察。邇言謂之生知。殆生而知好學者乎。余見愚者大師。具一切智。中和統御。華嚴五地。其茶飯也。物理小識一書。原附通雅之末。蓋是大師三十年前居業遊學之餘。有聞隨錄。以待旁徵積考者也。先君子于秦淮盤桓。早服其淹洽。超人數等矣。老吸西江而乘雲以遊。又烏測其所至乎哉。通雅四十卷已行。而小識十二卷尙在子宣手。通雅以通稱。謂免古今之聚訟。而小識以紀物用。核其實際。誠案頭所不可少者。子宣獨于物理有深入處。醉心此書。因田伯位白素北所編而重抄之。余故捐俸爲倡。公諸斯世。天道律曆之符。山澥五行之蘊。禮樂制作之矩。人間日用之宜。因物付物。得此條理。羣疑立決。享其不欺。豈不快哉。余旣捐俸爲倡。公諸斯世矣。今重訂而梓之。以廣其傳。康熙甲辰。宛平于藻。題于廬陵署中之春音堂。

物理小識自序

盈天地間皆物也。人受其中以生。生寓于身。身寓于世。所見所用。無非事也。事一物也。聖人制器利用。以安其生。因表理以治其心。器固物也。心一物也。深而言性命。性命一物也。通觀天地。天地一物也。推而至子。不可知。轉以可知者攝之。以費知隱。重玄一實。是物物神神之深幾也。寂感之蘊。深究其所自來。是曰通幾。物有其故。實考究之大。而元曾小而草木蠱蠕。類其性情。徵其好惡。推其常變。是曰質測。質測卽藏通幾者也。有竟掃質測而冒舉通幾以顯其宥密之神者。其流遺物。誰是合外內貫一多。而神明者乎。萬曆年間。遠西學入。詳于質測。而拙于言通幾。然智士推之。彼之質測。猶未備也。儒者守宰理而已。聖人通神明。類萬物。藏之于易。呼吸圖策。端幾至精。曆律醫占。皆可引觸。學者幾能研極之乎。智何人斯。敢曰通知。顧自小而好此。因虛舟師物理所。隨聞隨決。隨時錄之。以俟後日之會通云耳。且曰自娛。歲在昭易。汁沿日至。箕三浮山愚者記。

物理小識編錄緣起

宋贊寧禪師有物類志十卷。所稱識晝夜牛色者也。陶九成載東坡物類相感數百十條。得毋東坡閱贊寧而取其近用者乎。鄧潛谷先生作物性志。收函史上編。余曾祖廷尉公曰。此亦說卦極物之旨乎。王虛舟先生作物理所。崇禎辛未。老父爲梓之。自此每有所聞。分條別記。如山海經白澤圖。張華李石博物志。葛洪抱朴子。本草采摭。所言或無徵。或試之不驗。此貴質測。徵其確然者耳。然不記之。則久不可識。必待其徵實而後彙之。則又何日可成乎。沈存中。嵇君道。范至能諸公。隨筆不倦。皆是意也。老父通雅殘稿。自京師攜歸。物理小識原附其後。老父庚寅苗中。寄回一簾。小子分而編之。生死鬼神。會于惟心。何用思議。則本約矣。象緯曆律。藥物同異。驗其實際。則甚難也。適以遠西爲鄰子。足以證明大禹周公之法。而更精求其故。積變以考之。士生今日。收千世之慧。而折中會決。又烏可不自幸乎。是用類成。附通雅後。亦可單行。知格物大人。以爲鹽醬。所不廢也。不肖男中通百拜書。

物理小識總論

野同錄曰。子夏之言生數。管子之言幽明律以庸言不類鑿乎。要其理有不可誣者。子夏曰天一地二
十一主日數十故人十月而生八九月七十二偶以承奇奇主辰辰十有二辰主月三十三而九十八
月生七九六十三主斗主狗故狗三月而生六九五十四四主時時主豕故豕四月而生五九十二
十五主音主援故援五月而生四九三十六六主律律主鹿故鹿六月而生三九二十七七星
主虎故虎七月而生二九十八主風風主虫故虫八月而生一八餘則各從其類矣魚卵生于陰而屬
于陽吞者水鳥飛生于雲喙者雀入大水爲蛤也蠃食而不戴角者無不齒蚌蚶不飲不食鱗夏食冬
蟄鮫吞者八類也卵生咀嚼者九竅而胎生者類母故至陰主牝至陽主牡孔子曰吾聞之老聃此命之性也又
無鰓從其類也書生者類父夜生者類母故至陰主牝至陽主牡孔子曰吾聞之老聃此命之性也又
曰商聞山書東西爲緯南北爲經山爲積德川爲積刑丘陵爲牡谿谷爲牝蛭蛤龜珠與月盛虛是故食
水者善遊而能寒食土者無心而不息食木者多力而嗜戾食草者善走而愚食桑者有道之謂命形于一者
勇敢而悍食穀者智慧而巧食氣者神明而壽此乾坤之美也孔子對魯哀公曰分于道之謂命形于一者
之謂性化于陰陽象形而發之謂生上首地之所生下首上首之謂圓下首之謂方曰幽曰明必有終
突此性之命也管子曰天之所生上首地之所生下首上首之謂圓下首之謂方曰幽曰明必有終
氣者也故外景幽者含氣者也故內景火木外景金水內景吐氣者施含氣者化是以陽施而陰化也陰
陽之氣各止其所則靜偏則風俱則雷交則電亂則霧和則雨陽氣勝則散爲雨露陰氣勝則凝爲霜雪
陽之專氣爲重陰之專氣爲輕毛羽之虫陽氣之所生介鱗之虫陰氣之所生惟人爲保聖人爲之中伏
以生也保與羽毛鱗介同東方之夷九種種有十類南蠻北狄四戎稱之亦三百六十而聖人爲之長伏
義讀俯仰遠近之書故其範圍如此氣行于天曰五運產于地曰五材七曜列星其精在天其散在地故
爲山爲川爲鱗羽毛介草木之物聲色臭味別其端幾黃帝論人亦以五五約之正謂獨性各別而公性
則一陰陽和平中道爲貴若生有所乎萌成有所乎歸誠無所逃于始終相反乎無端也邵子言變化感

應而歸之于道。暑寒晝夜交而天之變盡之矣。雨風露雷交而地之化盡之矣。日月星辰水火土石天地之體也。暑變物之性。寒變物之情。晝變物之形。夜變物之體。性情形體交而動植之感盡之矣。雨比物之走。風化物之飛。露化物之草。雷化物之木。走飛草木交而動植之應盡之矣。本一氣也。生則爲陽。成則爲陰。有一此有二。此有四。三此有六。四此有八。八者四而已。六者三而已。二者一而已。始不分地而萬物。而道不分虛舟子曰。道無在無不在也。天有日月歲時。地有山川草木。人有五官也。終則萬物歸地。地歸天。天歸道。道無在無不在也。天有日月歲時。地有山川草木。人有五官八骸。其至虛者卽至實者也。天地一物也。心一物也。惟心能通天地萬物。知其原卽盡其性矣。董子曰。天地之間。若虛而實。故性命之理必以象數爲徵。未形則無可言。一形則上道下器分而合者也。莊子言虛無。然歸于極物而止。則曰以有形者象無形者而定矣。聖人與民折中日用使之中節而已。其格致研極之精微。皆具于易。誰固達而知乎。襲言常理者。拘膠闢茸。千萬譏議。不肯研幾。究爲生死鬼神。斷斷齟齬者。所刳而憊。徒跣躓耳。其造迷解閉。偏高釣奇。塞通爲術而困人從之。嚼破黃葉。悟何道乎。兩末一往之說。時爲藥耳。空藥對治狗物之病。而妙藥更消執空之病。折中適得。事所當事。乃不爲逃雨所累。而遂贅守此樹前之核。不復學問。彭蒙田駢。是虛生浪死之人牛也。不爲生死所惑。并不爲超生死之談所惑。言動象占。見其物宜。俯仰遠近。極事通變。此學而不厭者。真絕學也。本末源流。知則善于統御。舍物則理亦無所得矣。又何格哉。病于言物者。好奇之士。好言耳目之所不及。附會其說。甚則構虛駭人。其拘謹者。斤斤耳目之前。外此則斷然不信。其蔽均也。宗一曰。學有專門。未可執此以廢彼也。人生而耳之目之。至平常矣。卒而問之。有奇于此身者乎。有奇于天地間者乎。僂而九竅。言語老少。無不同者。無一同者。星辰何

以明雷風何以作。動何以飛走。植何以榮枯。噫。怪極矣。潛草曰。聖人官天地。府萬物。推曆律。定制度。典禮樂。以前民用。化至咸若。皆物理也。其常也。卽其變也。變未有極乎。變極自反乎。惟神而明之者知之。天道自東而西。星曆自西而東。地之陽氣自南而北。陰氣自北而南。人推移其中而變。有不變者存焉。不知差別之常變。而執常者。則周公之儀禮。有不可以治世。神農之本草。有依之足殺人者矣。鄧潛谷曰。區宇之內。土壤殊。物生隨異。而況分華夷。限山海。其恢詭倏怪之變。胡可勝紀。古所無者。何知今非創產。今狎見者。烏知後之不變滅乎。宓山子曰。因地而變者。因時而變者。有之。其常有而名變者。則古今殊稱。無博學者會通之耳。天裂孛隕。息壤水鬪。氣形光聲。無逃質理。智每因邵蔡爲嚆矢。徵河洛之通符。借東西爲郊子。申禹周之矩積。古人神明間出。不惜稅漏。而且言之。自護。則不必言矣。常統常變。灼然不惑。治教之綱。明倫協蓺。各安生理。隨分自盡。中和易簡。學者勿欺而已。通神明之德。類萬物之情。易簡知險阻。險阻皆易簡。易豈欺人者哉。或質測。或通幾。不相壞也。方中通曰。虛舟子者。王化卿先生諱宣。在先高祖明善所宗一者。吳觀我先生諱應賓。萬曆丙戌第五。其學宗一。圓三。又號三一。老人卽老父之外祖也。野同者。先曾祖廷尉君靜公諱大諱中。萬曆己丑。因天啓瑤禍。策得同入于野。自號野同。有錄數十卷。潛草者。先祖中丞潛夫公諱孔昭。中萬曆丙辰五經皆有述。獨精于易。以象數徵理。詳具時論。晚徑十五年。自號潛老夫。其隨筆稿曰。潛草。

石塘子曰。炎黃之所言。山海之所稱。豈無附會。要當存證。以推其理。不必拘拘其名與事也。子產知臺駘黃熊。仲尼知玉羊萍實。玉羊見高似孫緯略。引韓詩外傳與類羊事異。陳章知胡克折齒。知鵠嘯中人。齊桓公得折齒三尺。陳章曰。此秦胡克齒也。桓公得

鳴鵲殺之。陳章曰：名李子，數見博物志。東方朔知鵲牙，畢方藻廉，怪哉巨靈。鵲牙即鵲耳，畢方詳見鬼部。藻廉一見陳章曰：名李子，數見博物志。怪哉即蟲塊，巨靈即東都短人。
見御覽。陳章以短人名李子，數見博物志。晏嬰知盤庚伊尹。盤庚長九尺餘，作象怪哉。即蟲塊，巨靈即東都短人。
夢中出汲家理語。今此皆造名。晏嬰知盤庚伊尹。盤庚長九尺餘，作象怪哉。即蟲塊，巨靈即東都短人。
章二事並見御覽形體門。介盧知牛生犧，公治長知鳥言覆粟，管輅知雀言東鄰殺夫，張華知蛇化雉。
洛鐘鳴，武庫火，海鳧毛，龍鮓，胡僧知昆明劫灰，荀勗知勞薪，苻朗知黑白肉，郭璞知驢鼠。大如水牛，齊徐
之才知瘤骨。作刀柄。見御覽。諸葛恪知桑熟老龜，又知奚囊事異苑。雷煥知枯木照妖，續齊諧記。陸敬叔知彭侯，搜神
吳先主時，敬叔伐大樟，有血得物。樂藹知積油爲灰，見元杰公知蛇鶴二珠，知高安國鹽，知天竺國鏡，知
扶桑繭絲。並見四唐玄宗知龍皮扇。江陵書生知息壤，伊祁玄解知龍虎玉，見廣記。唐德宗時，異人曰：邪
律楚材知角端。凡此猶以僻異見奇。若至理在耳目前，人不之察，往往而是也。先儒曰：陽交于陰而生蹄
角之類，剛交于柔而生根莖之類，陰交于陽而生羽翼之類，柔交于剛而生枝幹之類。天地交錯，飛走草
木互變，因偶明奇，且概舉耳。統奇偶者大一也，而止顯奇偶二者易。舉二藏一，邵舉四藏五，其提小衍可知。草伏之獸，虎豹毛如草之莖，羽棲之
鳥鷹鷂羽如木之葉，飛之類喜風而敏于飛上，走之類喜土而利于走下。木者星之子，故果實象星，禽蟲
之卵，果穀類也。穀之類多子，蟲之類亦然。蠶之類今歲蛾而子，來歲則子而蠶。蕪菁之類今歲根而苗，來
歲則苗而實。鷹鷂之類食生，而鷄鳧之類不專食生。虎豹之類食生，又食穀。走捷上接
下，飛捷下接上，類使然也。鷄母之健，上下齊合。木枝葉陰也，華實陽也。枝葉軟而莖榦堅，剛柔之等也。陸中之物，水

中必具各有陰陽寒熱之性焉。大較陸爲陽中之陰。水爲陰中之陽。水之族陰爲主。陽次之。陸之類陽爲主。陰次之。陸多走。水多飛者。其交也。是故巨于陸者必細于水。巨于水者必細于陸。飛之走。雞鳧是也。走之飛。龍馬是也。在水而鱗鬣。飛之類也。龜黿走之類也。水之花。鹽硝是也。水之木。珊瑚是也。風類水類。小大相反。在水者不瞑。在風者瞑。故水族出水則死。風類入水則死。然則出入之者。龜蟹鵝鳧之類是也。動物自首生。植物自根生。自首生。命在首。自根生。命在根。有一日之物。有一月之物。有一時之物。有一歲之物。有十歲之物。至千百千萬歲皆有之。天地是已。天地亦物也。動者體橫。植者體縱。人宜橫而反縱者也。飛者有翅。走者有趾。人兩手翅也。兩足趾也。飛者食木。走者食草。人皆兼之。而又食飛走也。體必交而後生。故陽與剛交而生心肺。陽與柔交而生肝膽。柔與陰交而生腎膀胱。剛與柔交而生脾胃。天以氣爲質。以神爲神。地以質爲質。以氣爲神。人兼萬物而爲萬物之靈者神也。禽獸之聲以其類。各得其一聲。而不能通。通之者人也。人可謂天地之所貴矣。而不自知其所以貴。稍有聰明。欲捷取之以自恣。莫肯一盡心焉。安望其通而知乎。上古聖人。備物致用。煉金揉木。取火耕土。建宮室。造衣服。分干支。明歲月。立書契。紀制度。使物各得其宜。而至化行焉。後世聖人。知民生之嗜慾日繁。乃明六經。重道德。以爲教。千萬世食其利而不能奉其教。奉其教而不能明其心。追惟上古。不知何所學問。而能物物如此。今日文教明備。而窮理見性之家。反不能詳一物者。言及古者。備物致用。物物而宜之之理。則又笑以爲迂闊無益。是可笑耳。

卑者自便。高者自尊。或舍物以言理。或托空以愚物。學術日裂。物習日變。弁髦禮樂。滅棄圖書。其有不壞其心者。但闢與道合而已。偶得物理之一端。則委之于術數者流。安得聖人復起。非體天地之撰。類萬物之情。烏能知其故哉。易曰。神而明之。存乎其人。姑識其小者。以爲考究之士。談藪消閒云爾。不敢構虛以罔也。方中通曰。石塘子者。萊州司理白安石先生諱瑜。得阮堅之先生之學。世居石塘者。父少從學者也。

藥性總論曰。天地生萬物者。五氣。五氣定位。則五味生。氣者天也。溫熱者天之陽。寒涼者天之陰。陽則升。陰則降。味者地也。辛甘者地之陽。酸苦鹹者地之陰。陽則浮。陰則沈。其香臭腥腸膈。與平淡澁滑毒。則附氣味以爲厚薄者也。氣堅則壯。故苦可養氣。脈稟則和。故鹹可養脈。骨收則強。故酸可養骨。筋散則不攣。故辛可養筋。肉緩則不壅。故甘可養肉。辛散也。其行之也橫。甘緩也。其行上。苦瀉也。其行下。酸收也。其行縮。鹹軟也。其行舒。故有使氣者。有使味者。有氣味俱使者。有先後使者。明者知其產。觀其色。得其氣味。而性可識也。不識其性。又安所講。君臣炮製乎。人身有上中下。藥身亦有上中下。應之。如當歸柴胡防風黃芩之類是也。有因其相畏而制伏使之者。如牛黃惡龍骨。而龍骨得牛黃更良。黃耆畏防風。而黃耆得防風其功愈大之類是也。有相反者。雌黃胡粉。畫家黠妬。甘草甘遂。術家用以動屑之類是也。沈括續談曰。仙靈脾。本草用葉。南人卻用根。赤箭。本草用根。今人反用苗。如此。未知性果同否。如古人遠志用根。則其苗謂之小草。澤漆之根。乃是大戟。馬兜鈴之根。乃是獨行。其主療各別不同。而言其根苗。蓋有不可通者。

如巴豆能通利。惟其殼能止之。甜瓜蒂能嘔吐。惟其肉能解之。坐拏能憎人。食其心則醒。棟根皮瀉人。枝皮則吐人。邕州所貢藍藥。卽藍蛇之首。能殺人。藍蛇之尾能解藥。鳥獸之肉皆補血。而其毛角鱗鬣。皆能破血。鷹鷂食鳥獸之肉。雖筋骨皆化。而獨不能化毛。其類甚多。性理相反。而悉是一物者如此。乳石最忌參朮。而五石散用參朮。酸莫如醋。又益以棖。二酸相濟。宜甚醋。而又甘。蟹與柿嘗食之。而二物相遇則嘔。如酒如漆。有受之者。有畏之者。素問曰。陽明在天。則花實戕氣。少陽在泉。則金石失理。如此之論。采掇者固未嘗恤也。繆希雍曰。藥以氣味性而差別焉。同一苦寒也。黃芩燥。天冬潤。蘆薈能消。黃蘗能補。黃連止瀉。大黃下通。柴胡苦寒而升。龍膽草苦寒而降。同一鹹也。澤瀉則瀉。茯苓則補。海藻昆布則消而軟堅。馬莖鹿茸則補而生齒。同一酸也。硫黃味酸而熱。空青味酸而寒。甘合辛而發散爲陽。甘合酸而收斂爲陰。參耆陽也。甘溫以除大熱。地黃五味陰也。甘酸以斂陰精。蛇性上竄。而引藥。蟬蛻外脫而退翳。蟲飲血而用以治血。鼠善穿。而用以治漏。因其性而用也。弩牙速產。杵糠下咽。因以使之。萍不沈水。可以勝溼。獨活不搖風。可以治風。因其勝也。麻木穀而治風。豆水穀而治水。氣相同則相求也。牛土畜。其乳可以止渴疾。豕水畜。其心可以鎮恍惚。氣相克則相制也。熊肉振羸。兔肝明視。以氣有餘而能補不足也。鯉之治水。鰲之利水。氣相感以意相使也。蜜成於蜂。蜜溫而蜂寒。油生於麻。麻溫而油寒。同質而異性也。遼山愚者曰。自唐宋以天子力。收天下圖上者。令名醫史官編之。宜乎詳備。然萬曆中李瀕湖。本其父言聞之學。輒改。

正其十五六而後此。又有繆仲淳之簡。李士材之撫。甚矣物理差別之難窮也。粳米全甘而反著其苦。山查甘酸而或未之載。牽牛嚼之辛烈泄氣而止言其苦寒。粉霜再經火煨而謂之無毒。牡荊之見鬼。藜荷之呼名。果其然乎。動稱延年輕身。殆豔稱之耳。因而歎曰。兩間皆藥也。皆物也。皆理也。陰陽氣味。生克制化。物無不具。而或以地異。或以時變。惟人亦然。或彼效而此忌。或先利而後害。然其差別。亦不出岐伯之五五二十五也。如此。亦易簡矣。偶隨所見。可以旁徵。故書之以俟後考。崇禎辛巳。浮山愚者方以智識。通曰。先曾祖廷尉野同公。命老父之名曰著圓。而神卦方以智。藏密同患變易不易。故老父別稱密山氏。浮山有此藏軒。故稱浮山愚者。此篇乃庚辰釋褐。曼寅所記者也。後又發明運氣經脈。脈理病症藥性醫方。六種之常變別具。成書此不及詳。

神鬼變化總論曰。于令升云。千歲之雉。入海爲蜃。百歲之雀。入海爲蛤。千歲龜鼈。能與人語。千歲之狐。起爲美女。千歲之蛇。斷而復續。百年之鼠。而能相卜。數之至也。春分癸變鳩。秋分變雉。時之化也。腐草爲螢。朽葦爲蜚。稻爲魚。麥爲蝶。無知化有知。而氣易也。鶴爲鸞。蜚爲蝦。不失其血氣。而形性變也。潛草曰。或因乎腐。或因乎溼。氣所蒸鬱。久而自變。異類之感。駸雜之氣。嘗因緣觸。亦因心想。獸生人。人生獸。相交相化。不足矜駭。徐偃王出於銜卯。秦孝公漢靈帝晉愍帝時馬生人。竇武同產爲蛇。枹罕令嚴根妓產一龍一鵝一女。魯牛哀化虎。食兄。絳化黃能如意。化倉狗。宣慈母與黃母皆化龜。管公明曰。大蛇銜筆者老書佐。烏與燕鬬者老鈴下。是所稱五酉老則爲怪者也。歷陽紀元載客食龜而成龜瘕。陳留阮士瑀傷腮而變。

虺成于鼻中。飲水疑蟲。遂成蟲病。畫馬疑神。忽然成馬。非觸非想。更何因耶。至于男化女。女化男。且兼二體。史嘗記之。藏經言。受胎有七種。扇撼男根天生不滿者。龜去勢則曰留擊。半釋。迦博又兼男體。扇提。羅諸種。皆淫氣偏氣所鍾也。生擊。闢半變。螺。箭鼓角麥。盡之矣。有生必有死。而言之則畏。有明必有幽。而言之則怪。盧克生子。以鬼。胡母班乞父于神。賈雍斷頭而能言。崔興宗以喉受飲食。再生之女。哭殉魏后。伏棺之婢。嫁人生子。人鬼之間。死生之變。何所而不有乎。蔣濟託死兒于士孫阿。羊祜取金環於李氏。劉聰聞死爲王而喜。韓擒虎知爲閻羅而自足。希夷有南菴之目。東坡有再來之徵。栽松寄宿于浣衣。圓觀三生卽圓澤。近代此類殊復比比。猶草枝木實。種之復萌。人能豁然無礙。自不爲死生所累。意有所之。則因之附託。亦其理也。爲妖爲孽。每有憑依。石可以言。木可以狀。心正氣定者。可以倘然于其間。蕭琛能徙憤王之神。黃周南卒勝呪語之鼠。嵇叔夜不與魍魎爭光。郭元振書久戍長征之句。公沙穆山中之夜呼。王忱郵亭之怨女。亦何嫌焉。阮瞻。劉蘭。蕭惠開。正自以氣盡而受弄于鬼物耳。以是知異苑錄異。搜神。稽神。諸書所載。本末不必確。而容有其理。以唯心識觀。皆影響矣。浮山愚者曰。心之所至。卽理之所至。擊鼓置枹。而鑿鑿然不已。況所以爲鼓者哉。信一在二中之理。一不壞。二亦不壞。則交輪之幾。一然俱然者也。孔子言知幽明之故。鬼神之情狀。而岐伯曰。道無鬼神。獨往獨來。蓋謂無入不自得。謂之不落禍福。鬼神無如我何。非曰無鬼神也。與民同患。卽是至密。以死治生。藥劑更靈。易言吉凶。範表嚮威。因二以濟。正以民之信理。不如其信利。